



---

Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba  
Broj: SuPK-04-233/20  
Brčko, 09.02.2021. godine

## SAOPŠTENJE ZA JAVNOST

### ***RAZMATRAN RADNO-PRAVNI STATUS SLUŽBENIKA OSNOVNOG SUDA***

Na 101. vanrednoj sjednici održanoj dana 09.02.2021. godine, na inicijativu predsjednika Osnovnog suda Brčko distrikta BiH, Pravosudna komisija razmotrila je radno-pravni status službenika Osnovnog suda Brčko distrikta BiH, Vanje Oršulić, Marka Vukovića i Branka Pančića i nakon što su sveobuhvatno razmotrena relevantna pitanja, naročito pitanje njihove krivične osuđivanosti, utvrđeno je sljedeće.

Prilikom zapošljavanja službenika Branka Pančića, kada se u obzir uzmu isprave i podaci koji su u tom momentu bili raspoloživi, utvrđeno je da je procedura njegovog izbora provedena saglasno propisanim pravilima. Međutim, imajući u vidu nove činjenice koje su nedavno saznate, da je protiv Branka Pančića, u vrijeme njegovog prijema, bila potvrđena optužnica od strane Okružnog suda u Banjaluci, postupajući po pravu nadzora Pravosudna komisija donijela je odluku da imenovanom prestaje radni odnos u Osnovnom sudu Brčko distrikta BiH, jer u vrijeme prijema u radni odnos nije ispunjavao opšti uslov za zaposlenje koji se odnosi na nevođenje krivičnog postupka.

Što se tiče prijema u radni odnos službenika Vanje Oršulić, utvrđeno je da nisu povrijeđeni zakonski propisi, jer prema tim propisima, lice koje je ranije otpušteno iz državne službe može ravnopravno konkurisati na novo radno mjesto ako je od otpuštanja iz službe do objave novog konkursa proteklo više od tri godine, što je bio slučaj prilikom zapošljavanja imenovane. Ni kod službenika Marka Vukovića, nije utvrđena povreda propisa koji regulišu njegov radno-pravni status, jer izrečena kazna na koju je isti osuđen, prema relevantnim odredbama, nije takve prirode da za posljedicu ima prestanak radnog odnosa.

Međutim, svjesni uticaja ovakvih pojava na povjerenje građana u pravosudne institucije i u cilju zaštite njihovog integriteta, Pravosudna komisija će iskoristiti svoje zakonsko ovlaštenje i predstojećem periodu u skupštinsku proceduru uputiće prijedlog Zakona o izmjenama i dopunama Zakona o službenicima i namještenicima kojim će se stvoriti pravni osnov da lica koja su osuđivana za određena krivična djela ne mogu biti učesnici konkursnih procedura u pravosudnim institucijama. Napominjemo da ovakvu mogućnost važeći propisi ne predviđaju, kako u zapošljavanju u pravosudnim institucijama, tako i u Vladi Brčko distrikta BiH i ostalim državnim institucijama.

Pored toga, Pravosudna komisija će u koordinaciji sa svim pravosudnim institucijama uvesti i dodatne procedure i mehanizme koji će ubuduće spriječiti mogućnost da određene činjenice koje su relevantne za provođenje procedura i donošenje odluka, donosiocima tih odluka ostanu nepoznate.